



12. august 2015

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit Kalaallit Nunaata kangiani kiffartuussinermut isumaqatigiissut pillugu.

1. Naalakkersuisut qanoq eqqarsarpat ingerlatseqatigiiffiit nutaat, soorlu najukkami aallaavilik GreenlandCopter, Tasiilami kiffartuussinermut isumaqatigiissummut unammilleqataanissaminnut periarfissaqartikkumallugit?

2. Naalakkersuisut eqqarsaatigippassuk maannakkut kiffartuussinermut isumaqatigiissut allaffissornikkut sivitsorniarlugu, taava qanoq eqqarsartoqarpa Kangiani innuttaasut angallannikkut pitsaanerpaamik kiffartuunneqarnissaat qulakkeerniarlugu, najukkami ingerlatseqatigiiffiit kiffartuussinermut isumaqatigiissummut unammilleqataanissaat periarfissiissutigineqassanngikkaluarpat?

3. Naalakkersuisut neqeroornerit paasiuminartumik ersarissumillu ingerlannissaat qanoq qularnaarniarpaat, kiffartuussinermut isumaqatigiissutit taamatut pisariaqaraluarmata pisortat suliaasaataasa suliariumannittussarsiuunneqartarnerat naapertorlugu?

(Inatsisartunut ilaasortaq Justus Hansen, Demokraatit)

Tungavilersuut

Isertorneqarsinnaangilaq Kalaallit Nunaata Kangiani timmisartuussineq naammaginangimmat. Kalaallit Nunaata Kangiani angallassinissat piffissap ingerlanerani unitsiinnarneqattaartarput timmisartut allami atorneqartussaannerat pissutigalugu aamma sapaatip akunneranut timmisartuussisarnerit ikittuaraannaapput.

Inatsisartuni ilaasortatut Tasiilamilu innuttaasut qularinngilluinnarpara, Kalaallit Nunaata Kangiani timmisartuussineq pitsaanerujussuarmik ingerlanneqarsinnaasoq nutaanik eqqarsartoqarsinnaasuuppat. Tamanna tungavigalugu naammaginangilaq, sullissisinnaasut nutaat timmisartuussisarnermut neqeroornissaminnut naammattumik periarfissinneqartannginnerat.

Assersuutigalugu siusinnerusukkut takoreernikuuarput kiffartuussinermut isumaqatigiissutit allaffimmiit sivitsorneqaannartarnerat. Pilersitsisoqarneq ajorpoq aamma nutaanik eqqarsartoqarneq ajorpoq.



Isumaqarluinnarpunga Naalackersuisut tungaanniit najukkami sullissisinnaasut qissimingaarneqarnerusariaqartut. Timmisartuussineq najukkamik aallaaveqalissaaq aamma Kalaallit Nunaa-ta Kangiani suliassaqartitsineq ineriartortitsinerlu pilissapput. Pineqartut tamaasa pisariaqarti-ppagut.

Kissaatigaara apeqqutikka akineqassasut ullut sulliviit naliginnaasut qulit iluanni.